

**ხელშეკრულება №193
სახელმწიფო შესყიდვის შესახებ**

ქ. ქობულეთი

23 ዓዲስአበባ 2013 ዓ.ም

„სახელმწიფო შესყიდვების შესახებ“ საქართველოს კანონის მე-10¹ მუხლის, მე-3 პუნქტის, „გ“ ქვეპუნქტის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების მე-3 მუხლის, მე-3 პუნქტისა და ქობულეთის მუნიციპალიტეტის საკრებულოს თავმჯდომარის 2013 წლის 04 ოქტომბრის №01-19/844 ბრძანების შესაბამისად, ერთის მხრივ, ქობულეთის მუნიციპალიტეტი, წარმოდგენილი ქობულეთის მუნიციპალიტეტის საკრებულოს თავმჯდომარის ელგუჯა ბაგრატიონის სახით (შემდგომში „შესყიდველი“) და მეორეს მხრივ, შპს „ბალავარი 2010“, წარმოდგენილი მისი დირექტორის ელგუჯა ცინცაბაძის სახით (შემდგომში „მიმწოდებელი“), ვდებთ ხელშეკრულებას „სახელმწიფო შესყიდვის შესახებ“ შემდგეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადგებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
 - 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
 - 1.3. „დღე“, „კვირა“, „თვე“ – კალენდარული დღე, კვირა, თვე.
 - 1.4. „შემსყიდველი“ – ორგანიზაცია, რომელიც ახორციელებს შესყიდვას.
 - 1.5. „მიმწოდებელი“ – პირი, რომელიც ახორციელებს სამუშაოებს ხელშეკრულების ფარგლებში.
 - 1.6. „სამუშაო“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

1. სოფელ ხალაში მდ. ჩაქვისწყალზე ნაპირსამაგრი კედლის მოწყობის სამუშაოები (CPV 45246100 - მდინარეზე კედლების მშენებლობა).
 - 2.2. შესასრულებელი სამუშაოების ზუსტი დასახელება, ტექნიკური მახასიათებლების სრული აღწერილობა (სპეციფიკაცია), ერთეულის ფასი და მთლიანი ღირებულება განსაზღვრულია წინამდებარე ხელშეკრულებაზე თანდართული დანართი N1-ს მიხედვით.

3. ხელშეკრულების შესრულების კონტროლი

- 3.1 შემსყიდველი მისი წარმომადგენლების მეშვეობით ახდენს შესრულებული სამუშაოების ინსპექტირებას.

3.2 მიმწოდებლის მიერ შესასრულებელ, ან უკვე შესრულებულ სამუშაოებზე კონტროლი (ინსპექტირება) ხორციელდება სისტემატიურად შემსყიდველის შეხედულებისამებრ.

3.3 მიმწოდებელი უზრუნველყოფს ინსპექტირების ჩატარებას აუცილებელი პერსონალით და ტექნიკური საშუალებებით.

3.4 მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

3.5 შემსყიდველი მიმწოდებელთან ერთად აწარმოებს კონტროლს სამუშაოების მიმდინარეობაზე, თანახმად საქართველოში მოქმედი ყველა სამშენებლო ნორმების, სტანდარტების და წესებისა, რომელთა დარღვევის შემთხვევაში შემსყიდველს გააჩნია უფლება შეაჩეროს სამუშაოები და განახორციელოს კანონით გათვალისწინებული სანქციები.

3.6 მიმწოდებელი ვალდებულია სამუშაოების შესრულების დროს გამოიყენოს მხოლოდ ის მასალები,



რომელთა ხარისხი შეესაბამება საქართველოში მოქმედ სტანდარტებსა და ნორმებს, წინააღმდეგ შემთხვევაში შემსყიდველი უფლებამოსილია გამოიყენოს მიმწოდებლის მიმართ პასუხისმგებლობის ღონისძიებები.

3.7 სახელმწიფო შესყიდვის შესახებ ხელშეკრულების შესრულების კონტროლის ახორციელებს შემსყიდველი ორგანიზაციის მიერ შექმნილი სპეციალური ინსპექტირების ჯგუფი.

4. სამუშაო ადგილის მომზადება, გარემოს დაცვა და სამუშაოთა შესრულების წესი:

4.1 მიმწოდებელი ვალდებულია შეასრულოს სამუშაოები შრომის უსაფრთხოების პირობების დაცვით, საქართველოში მოქმედი ყველა საჭირო ნორმების, სტანდარტებისა და წესების მოთხოვნების დაცვით.

4.2 მიმწოდებელი ვალდებულია უზრუნველყოს სამუშაო ადგილის ფარგლებში გარემოზე ეკოლოგიური ზემოქმედების მინიმუმამდე დაყვანა;

4.3 მიმწოდებელი ვალდებულია სამუშაოთა დასრულების შემდეგ თავისი ძალებით და სახსრებით, 5 კალენდარული დღის ვადაში, გაათავისუფლოს სამუშაო ადგილი სამშენებლო მოწყობილობა-დანადგარებისაგან, მასალებისაგან, დროებითი ნაგებობებისაგან, სამშენებლო ნარჩენებისაგან და ა.შ.

4.4 მიმწოდებელი ვალდებულია უზრუნველყოს სამუშაო ადგილის ფარგლებში მდებარე ხეების და მცენარეების სიცოცხლისუნარიანობა;

4.5 მიმწოდებელი ვალდებულია მუშა-მოსამსახურე პერსონალს ჩაუტაროს ინსტრუქტაჟი მშენებლობაზე უსაფრთხოების ტექნიკის უზრუნველყოფის საკითხებზე;

4.6 სამუშაოები შეასრულოს ხელშეკრულებაზე თანდართული ხარჯთაღრიცხვით გათვალისწინებული მოცულობების შესაბამისად.

4.7 ყველა გამოყენებული მასალა უნდა იყოს მაღალხარისხიანი და აკმაყოფილებდეს საქართველოში მოქმედ ყველა სამშენებლო ნორმასა და სტანდარტს.

5. ხელშეკრულებაში ცვლილების/დამატების შეტანა

5.1 ხელშეკრულებაში ნებისმიერი ცვლილების/დამატების განხორციელების შემთხვევაში, აღნიშნული ცვლილება/დამატება უნდა გაფორმდეს წერილობითი ფორმით.

5.2. ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

5.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.


6. შესყიდვის ობიექტის მიღება-ჩაბარების წესი

6.1 შესყიდვის ობიექტი ან მისი ნაწილი (ეტაპი) ჩაითვლება მიღებულად ფაქტიურად შესრულებული სამუშაოების მოცულობის აქტის (ფორმა N2 და ფორმა N3) და მიღება-ჩაბარების აქტის გაფორმების შემდეგ.

6.2 შესყიდვის ობიექტის მიღება და შემოწმება ხორციელდება შესრულებული სამუშაოების ადგილზე.

6.3 შესრულებული სამუშაოების მოცულობების, ხარისხის და სახარჯთაღრიცხვის დოკუმენტაციასთან შესაბამისობის კონტროლს ახორციელებს შემსყიდველის უფლებამოსილი პირი - ტექნიკური ზედამხედველი.

6.4 შესყიდვის ობიექტის მიღებას ახორციელებს კონტროლის (ინსპექტირების) ჯგუფი მიღება-ჩაბარების აქტის საფუძველზე, შესაბამისი დოკუმენტაციის წარმოდგენიდან 10 (ათი) სამუშაო დღის



ვადაში.

6.5 შემსყიდვის ობიექტის (მისი ნაწილის, ეტაპის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6.6 შემსყიდველი ვალდებულია ოპერატიულად, წერილობითი სახით, აცნობოს მიმწოდებელს საბოლოო შემოწმების შედეგები დაწუნებული სამუშაოს მოცულობის და წუნდების მიზეზის მითითებით.

7. გარანტია

7.1 ექსპლუატაციის წორმების დაცვის შემთხვევაში მიმწოდებელი იძლევა სამუშაოს ხარისხზე და გამოყენებულ მასალებზე 05 (ხუთი) წლიან გარანტიას.

7.2 საგარანტიო ვადის პერიოდში მიმწოდებელი ვალდებულია საკუთარი ხარჯებით უზრუნველყოს ექსპლუატაციის პროცესში წარმოქმნილი ხარვეზების აღმოფხვრა.

8. ღირებულება და ანგარიშსწორების წესი

8.1 სახელშეკრულებო ღირებულებაა 1229.00 (ერთიათას ორასოცდაცხრა) ლარი.

8.2 შემსყიდველი ანგარიშსწორებას ახორციელებს ფაქტიურად შესრულებული სამუშაოების მოცულობების (ფორმა N2, ფორმა 3), მიღება-ჩაბარების აქტის და შესაბამისი საგადასახადო ანგარიშ-ფაქტურის წარმოდგენიდან 10 (ათი) სამუშაო დღის განმავლობაში.

8.3 თუ მიმწოდებლის მიერ ხელშეკრულებით განსაზღვრული შესასრულებელი სამუშაოების მოცულობების ღირებულებამ არ შეადგინა ხელშეკრულებით გათვალისწინებული თანხა, ასეთ შემთხვევაში შემსყიდველი გადაუხდის მიმწოდებელს ფაქტიურად შესრულებული სამუშაოების მოცულობების ღირებულებას. აღნიშნულიდან გამომდინარე მიმწოდებელს პრეტენზია არ უნდა გააჩნდეს აუთვისებელ სამუშაოთ მოცულობების ანაზღაურებაზე.

8.4 საავანსო ანგარიშსწორება არ გამოიყენება.

8.5 ანგარიშსწორება განხორციელდება უნაღდო ანგარიშსწორების წესით, ანგარიშსწორება განხორციელდება ლარებში, წინამდებარე ხელშეკრულებაში მითითებული „მიმწოდებელი“-ს საბანკო რეკვიზიტებზე.

9. ფასები

9.1 ხელშეკრულების ღირებულებითი პარამეტრების გაზრდა შესაძლებელია მხოლოდ საქართველოს სამოქალაქო კოდექსის 398 მუხლის მოთხოვნათა შესაბამისად.


10. ხელშეკრულების პირობების შეუსრულებლობა

10.1 ხელშეკრულებით ნავისრი ვალდებულებების შეუსრულებლობისა ან/და ხელშეკრულებით გათვალისწინებული სამუშაოების დაგვიანებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტებლო შეუსრულებელი სამუშაოების ღირებულების 0,5 % პროცენტის ოდენობით;

10.2 იმ შემთხვევაში, თუ ვადის გადაცდენისათვის დაკისრებული პირგასამტებლოს ჯამური თანხა გადააჭარბებს ხელშეკრულების ფასის 5% პროცენტს, შემსყიდველს უფლება აქვს შეწყვიტოს ხელშეკრულება.

10.3 მიმწოდებელს სამუშაოების უხარისხოდ და არაჯეროვნად შესრულების შემთხვევაში გაეგზავნება წერილობითი გაფრთხილება. 5 დღის განმავლობაში არსებული ხარვეზის აღმოუფხვრელობის ან/და შემდგომ განმეორების შემთხვევაში მას დაეკისრება პირგასამტებლო ხელშეკრულების ფასის 2%-ის ოდენობით.

10.4. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.



11. სადაო საკითხების გადაწყვეტა

11.1 შემსყიდველმა და მიმწოდებელმა ყველა ღონე უნდა იხმაროს, რათა პირდაპირი არაოფიციალური მოლაპარაკებების პროცესში შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2 თუ ასეთი მოლაპარაკების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. დაუძლეველი ძალა

12.1 ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველი ძალის გარემოების შედეგი.

12.2 ამ მუხლის მიზნებისათვის “დაუძლეველი ძალა” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით და საქონლის მიწოდებაზე ემზარგოს დაწესებით, საბიუჯეტო ასიგნებების მკვეთრი შემცირებით და სხვა.

12.3 დაუძლებელი ძალის დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისდა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან დაუძლეველი ძალის ზეგავლენისაგან.

13. გადასახადები და დაბეგვრა

მიმწოდებელი პასუხს აგებს სამუშაოს შესრულებასთან დაკავშირებული ყველა იმ გადასახადების, ბაჟების, მოსაკრებლების და სხვა გადასახდელების გადახდაზე, რომლებიც გადასახდელია საქართველოს ფარგლებში და მის გარეთ.

14. ხელშეკრულების მოქმედების და სამუშაოს მოწოდების ვადები და პირობები:

14.1. სამუშაოები მიმწოდებელმა უნდა შეასრულოს ხელშეკრულების გაფორმებიდან 30 კალენდარული დღის ვადაში.


14.2. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2013 წლის 25 დეკემბრის ჩათვლით.

15. უფლებების გადაცემა

მიმწოდებელმა შემსყიდველის წინასწარი წერილობითი თანხმობის გარეშე, არც მთლიანად და არც ნაწილობრივ არ უნდა გადასცეს მოცემული ხელშეკრულებით ნაკისრი ვალდებულებები მესამე მხარეს.

16. სხვა პირობები

ხელშეკრულება შედგენილია ქართულ ენაზე, ხუთ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ოთხი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.



17. „შემსყიდველი“ – ს იურიდიული მისამართი და რეკვიზიტები

17.1 „შემსყიდველი“ – ს მისამართი: ქ. ქობულეთი, დავით აღმაშენებლის გამზირი №141;

17.2 „შემსყიდველი“ – ს საბანკო რეკვიზიტები: სს „ლიბერთი ბანკი“, ბანკის კოდი **LBRTGE22**, ა/ა **GE56LBO120113125552000**, საიდენტიფიკაციო კოდი 247001890;

17.3 „შემსყიდველი“ – ქობულეთის მუნიციპალიტეტი.

18. „მიმწოდებელი“ – ს იურიდიული მისამართი და რეკვიზიტები

18.1 „მიმწოდებელი“ – ს მისამართი: ქალაქ ქობულეთი, დ. აღმაშენებლის გამზ., №322;

18.2 „მიმწოდებელი“ – ს საბანკო რეკვიზიტები: სს „საქართველოს ბანკი“, ბანკის კოდი **BAGAGE22**, ა/ა **GE34BG000000876178500**, საიდენტიფიკაციო კოდი **446951610**

18.3 „მიმწოდებელი“ – შპს „ბალავარი 2010“

„შემსყიდველი“ – ქობულეთის მუნიციპალიტეტი


საკრებულოს თავმჯდომარე



ელექტრონული ბარატი

„მიმწოდებელი“ – შპს „ბალავარი 2010“

დირექტორი




ელექტრონული ცინფაბაძე

სოფელ ზალაში ნაპირსამაგრი კედლის მოწყობის სამუშაოების
ხარჯთაღრიცხვა

№	სამუშაოს დასახელება	ღიასი დანართის ფასი	რაოდენობა	ერთეული	აგენტი
1	ქვიშა-ხრეშოვანი ნარევის დამუშავება კომპრესორის გამოყენებით	მ³	2	33	66
2	მონოლითური რკინა-ბეტონის საყრდენი კედლის მოწყობა მ-300 მარკის ბეტონით	მ³	3,2	150	480
3	ალმატურა ა-III კლასის 12მმ	ტ	0,260	1400	364
	ჯამი				910
	ზედნადები 8%				73
	ჯამი				983
	გეგმიური 6%				59
	ჯამი				1042
	დღგ 18 %				188
	ჯამი				1229

შპს „ბალავარი 2010“

დირექტორი



ელგუჯა ცინცაბაძე





ქობულეთის მუნიციპალიტეტის საკრებულოს თავმჯდომარის

ბ რ ძ ა ნ ე ბ ა №01-19/844

2013 წლის 4 ოქტომბერი
ქ-ქობულეთი

გამარტივებული წესით შესყიდვის პროცედურების დაწყების შესახებ

„სახელმწიფო შესყიდვების შესახებ“ საქართველოს კანონის 10^ი მუხლის, მე-3 პუნქტის, „ბ“ ქვეპუნქტის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 07 აპრილის №9 ბრძანების მე-3 მუხლის მე-3 პუნქტისა და ქობულეთის მუნიციპალიტეტის გამგებლის მოვალეობის შემსრულებლის 2013 წლის 03 ოქტომბრის №01-14/1501 მომართვის შესაბამისად ვ ბ რ ძ ა ნ ე ბ:

1. ქობულეთის მუნიციპალიტეტის სოფელ ხალაში მდ. ჩაქვისწყალზე ნაპირსამაგრი კედლის მოწყობის სამუშაოების შესყიდვა განხორციელდეს გამარტივებული შესყიდვის წესით.
2. ქობულეთის მუნიციპალიტეტის გამგეობამ, გამარტივებული შესყიდვის საშუალებით, ხელშეკრულება გააფორმოს 1229.00 (ერთიათა ორასოცდაცხრა) ლარის ფარგლებში, მხოლოდ იმ მომწოდებელთან, რომელიც აკმაყოფილებს ელექტრონული ტენდერის №SPA130019478 მოთხოვნებს.
3. ანგარიში ქობულეთის მუნიციპალიტეტის გამგეობამ, განხორციელებული პროცედურების შესახებ, თანდართული დოკუმენტაციით, წარადგინოს ქობულეთის მუნიციპალიტეტის საკრებულოს თავმჯდომარის წინაშე.
4. ქობულეთის მუნიციპალიტეტის იურიდიულმა სამსახურმა, შესყიდვის განხორციელების შემდეგ, დაუყოვნებლივ აცნობოს განხორციელებული შესყიდვის შესახებ კონკურენციისა და სახელმწიფო შესყიდვების სააგენტოს.
5. ბრძანება შეიძლება გასაჩივრდეს ერთი თვის ვადაში ბათუმის საქალაქო სასამართლოში (მის: ქ. ბათუმი, ზუბალაშვილის ქ.№30).
6. ბრძანება ძალაშია ხელმოწერისთანავე.

საკრებულოს თავმჯდომარე

ე. ბაგრატიონი



ხ ე ლ წ ე რ ი ლ ი

ინტერესთა კონფლიქტის არარსებობის შესახებ

ქ. ქობულეთი

23.10.2013 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ხელის მოწერით ვადასტურებ, რომ სოფელ ხალაში მდ. ჩაქვისწყალზე ნაპირსამაგრი კედლის მოწყობის სამუშაოების (CPV 45246100 - მდინარეზე კედლების მშენებლობა) შესყიდვის განხორციელებაში, შპს „ბალავარი 2010“-ს მონაწილეობა არ იწვევს ინტერესთა კონფლიქტს.

ქობულეთის მუნიციპალიტეტი

საკრებულოს თავმჯდომარე

ელგუჯა ბაგრატიონი